

Peomolao e e maleba

PanSALB e ne ya tlhomiwa ka 1995 go ya ka Molao wa Lekgotla la Dipuo tsotlhe tsa Aforikaborwa (PanSALB) wa 1995 jaaka o tlhabolotswe ka 1999.

Go ya ka Molao wa PanSALB, taolelo ya PanSALB e tswa mo Molaong wa Molaotheo wa Rephaboliki ya Aforikaborwa, Dikarolo 6(5) (a) le (b), Molao wa Tsamaiso ya Ditšhelete tsa Puso wa 29 wa 1999 le Molao wa Ditlamo wa 61 wa 1973, Karolo 21.

OFISI KGOLO:

Mogala: (012) 341 9638/9551 **Fekese:** (012) 341 5938
Imeile: communication@pansalb.org

Aterese ya Lefelo:

th floor, Provisus Building,
523 Stanza Bopape Street,
ARCADIA, 0007

Aterese ya Poso:

Private Bag X08, ARCADIA, 0007

DIOFISI TSA DIPOROFENSE

Kapa Botlhaba

Mogala: (043) 726 2600 Fekese: (043) 721 3379

Foreisetata

Mogala: (051) 448 2308/2300 Fekese: (051) 448 3189

Gauteng

Mogala: (012) 361 7117 Fekese: (012) 361 6116

KwaZulu-Natala

Mogala: (031) 304 5621/5631 Fekese: (031) 304 5634

Limpopo

Mogala: (015) 291 5888/5898 Fekese: (015) 291 5898

Mpumalanga

Mogala: (013) 656 0307 Fekese: (013) 656 0361

Kapa Bokone

Mogala: (053) 8320037/2293 Fekese: (053) 832 1280

Bokone Bophirima

Mogala: (018) 384 0120/0123 Fekese: (018) 384 0122

Kapa Bophirima

Mogala: (021) 421 8506 Fekese: (021) 425 2399



PanSALB

PAN SOUTH AFRICAN LANGUAGE BOARD

Tshedimosetso Bukana SETSWANA



PanSALB ke mang?

Lekgotla la Dipuo Tsothe Tsa Aforikaborwa (PanSALB) ke lephata le le ikemetseng la puso, le le ikarabelang fela mo Molaotheong le peomolao go ya ka moo Lekgotla le tlhodilweng ka teng ka 1995. Maphatha a mangwe a puso otlhe a laetswe go dirisana mmogo le PanSALB e seng go kgoreletsa tiragatso ya taolelo ya rona. Lekgotla la pele le ne la thewa ka 1997.

Re Dira Eng?

PanSALB e tshegetsa dipuontsi mo Aforikaborwa ka go dira tse di latelang:

- Re dira dikatlanegiso malebana le peomolao nngwe le nngwe, tiro kgotsa pholisi e e ka ga dilo tsa puo mo maemong mangwe le mangwe a puso.
- Re dira dikatlanegiso mo maphateng a puso mo maemong otlhe a puso mo go diragatseng ditekanyetso tse maikaelelo a tsona e leng go rotloetsa dipuontsi.
- Re rotloetsa ka boineelo temoso ya dipuontsi jaaka sedirisiwa sa bosetšhaba.
- Re rotloetsa ka boineelo tlhabololo ya dipuo tse di neng di nyenyefaditswe mo malobeng.
- Re simolola dithuto le patlisiso go rotloetsa le go tlhola maemo a tlhabololo le tiriso ya dipuo tsothe tsa semmuso tsa Aforikaborwa, dipuo tsa Khoe, Nama le San le Puo ya Diatla ya Aforikaborwa.
- Re rotloetsa le go netefatsa tlotlo ya dipuo tsothe tse dingwe tse di dirisiwang ka gale ke ditšhaba mo Aforikaborwa.
- Re gakolola ka ga kgokagano ya thulaganyo ya dipuo mo Aforikaborwa le go tsamaisa tirasano mmogo le ditheo tsa thulaganyo ya dipuo tse di kwa ntle ga Aforikaborwa.

- Re tlhola dikomiti tsa diporofense tsa dipuo le maphata a bosetšhaba a puo go gakolola ka sengwe le sengwe sa puo se se amang porofense kgotsa puo e e rileng.
- Re tlhola ditheo tsa bosetšhaba tsa tlhamo ya didikišinare go dira jaaka ditlamo tsa Karolo ya 21 le go di abela matlole gore di fithelele ditiro tsa ona.

Re leka go dira ditiro tsa rona kwa ntle ga poifo, go tsaya letlhakore kgotsa go gobelega.

Goreng Re le Teng?

Fa re lebelela hisetori ya rona le mefuta ya dipuo le ditso mo Setšhabeng sa rona sa Molalatladi, peomolao e tlhodile PanSALB go sireletsa ditshwanelo tsa batho tsa puo le go rotloetsa tlhabololo ya bosetšhaba.

Re sireletsa kgathanonngwe le go rena ga puo ka go tlhola maemo a tlhabololo ya tiriso e e lekalekanang ya dipuo tsothe tsa semmuso.

Re leka go netefatsa gore Moaforikaborwa mongwe le mongwe a kgone go bua ka puo ya tlhopho ya gagwe, gape re rotloetsa tiriso ya puo ya kwa gae, bogolo kwa thutong ya motheo.

Re tlhatlhosa tlotlo ya le go rotloetsa tiriso ya dipuo tse dingwe tse e seng tsa fa gae mo nageng.

Re rotloetsa tiriso e e siameng ya didirisiwa tsa dipuo tsa naga go kgonisa Maforikaborwa go gololesega mo mefuteng yotlhe ya kgethololo, go rena le tlhaolo ya dipuo.

Re dira go kgonisa Moaforikaborwa mongwe le mongwe go diragatsa dithlopo tsa puo tse di maleba mo molemong wa gagwe.

Ponelopele ya rona, Maikaelelo le Mesola

Ponelopele ya PanSALB

“Setšhaba se se dirang ka maikemisetso ka ga dipuo/diteme tsa sona tsa fa gae fa se ntse se rotloetsa dipuontsi”

Maikaelelo a PanSALB

Go tlamela ka ditlhagisiwa tsa puo le ditirelo tse di lebisang kwa tirosong e e lekalekanang ya dipuo tsothe tsa Aforikaborwa go akaretsa dipuo tsa Khoi, Nama le San le Puo ya Diatla, ka kgatelelo e e kgethegileng mo dipuong tse di neng di nyenyefaditswe mo malobeng.

Se se tla fithelelwa ka go tlhabolola, somarela, rotloetsa le go sireletsa ditshwanelo tsa puo, le go tlhatlhosa tlotlo ya puo.”

Mesola ya PanSALB

Tirisano mmogo ya PanSALB le baamegi ba yona e kaelwa ke mesola ya yona. Mesola e e tlhophilweng e nyalanngwa le taolelo ka go kgonisa badiri go nna le phisego ka ga taolelo, go nna le tlotlo go ba bangwe le dipuo, go rwala maikarabelo, go sena bofitlha, le go nna le boineelo fa ba diragatsa taolelo ya PanSALB. Mesola e tlhalosiwa kwa tlase:

- Tlotlo
- Go rwala maikarabelo
- Tshiamo
- Bosenang bofitlha
- Boineelo
- Phisego